



kat.komp.

24209



Mag. St. Dr.

P







24209

1

*Histor. 3633*









VITA  
GLORIOSI SER.  
VI DEI  
B.SIMONIS  
DE LIPNICA  
ORD: MIN: DE  
OBSER:

COLLECTA

Per Fr: LUDOUICUM  
Skrobkouic eiusdem  
Ord.minimum.



*Cum licentia Superiorum.*

---

BRUNSBERGE,  
Typis Casparis VVeingartneri.  
Anno 1636.

*Hist. 3633*

# NICOLAUS SZISZKOVSKI

*Dei & Apostolicae sedis Gratia Episcopus  
Varmiensis. Vitam admiranda Sanctitatis  
Serui Dei B. SIMONIS de Lipnica Ord.  
Minorum de Obser. per Reverendum P. F.  
Ludovicum Skrobkonie eiusdem Instituti col-  
lectam, tanquam fidei Annalium nostrorum  
& constanti populorum deuotioni consenta-  
neam probavi, utq; pralo subiiciatur potesta-  
tem feci. Heilsbergæ Cal. Aug. 1636.*

**Locus Sigilli.**

Michaël Sidler, S. Theol. Doct.  
Archipresbyter Heilsberg.  
ex mandato Ill<sup>mae</sup> suæ Cels.





MAGNÆ DEI  
MATRI SPONSÆ  
VIRGINI

MARIÆ.

ABYSSO GRATIARVM

IDEÆ OMNIS PERFECTIONIS

PRODIGIORVM COMPENDIO

DOMINÆ PATRONÆ OPTI-

MÆ MAXIMÆ.



Ero ad te ó DO-  
MINA, quod tu-  
um. Tuum esse  
inficiari non po-  
teris, cuius in eo

A 2

labor

labor omnis fuit, Tuus vt ef-  
 fet. B. SIMON LIPNICIUS est.  
 Adhuc puer balbutiebat, &  
 tamen in tuis laudibus diser-  
 tus deprehensus per Gra-  
 tiam, antequam per naturam  
 esset. Creuit cum annis con-  
 stans tui veneratio, donec  
 totam coelo intulit. Quare  
 cum Servi tui vitam narro,  
 nec Tu Vena eius Viuifica  
 præteriricitrà piaculum de-  
 buisti. Et quomodo diuide-  
 rem à præclarè gestis Glori-  
 osi Viri præclara tua benefi-  
 cia quibus ille stetit? Agno-  
 scit



scit & modò patrociniū MA-  
 RIANI vim, dūm quoties  
 piè inuocatur, toties mollem  
 per te aditum ad Filium ha-  
 bet, perq; tuas *manus* verè *torna-* Cant. 5.  
*tiles*, verè *aureas* venit, quod  
 spargat ipse in populos. Per  
 Te inquam, cui secundum  
 Deum permissa est potestas  
 in cœlo & in terrâ; quæ an-  
 te illud aureum humanæ re- Pet. Dam.  
 conciliationis Altare acce- Ser. 1. de  
 dis non solū rogans sed Im- nat. Virg.  
 perans, Domina non Ancil-  
 la. Faue ô DOMINA Gloriæ  
 Clientis Tui de quo incon-  
 A 3 ditè

ditè scribo ; faue conatui  
meo dùm eiusdem gloriæ  
ortum & incrementa tibi re-  
uerenter transcribo. Craco-  
uiæ ad S. Bernardinum Idi-  
bus Iunij Anno Salutis ex te  
genitæ. M. DC. XXXVI.

*Clientum tuorum  
minimus*

Fr. LUDOUICUS  
SKROBKOVIC.





B. SIMON DE LIPNICA Ordinis Minor, de Obser:  
Cracouia apud S. Bernardinum in Stradom. miraculis  
clarus obiit Anno Dñi 1482.

# **Index Authorum qui Sancti-** **tatem D. Simonis & prodigia celebrant.**

*Abraham Bzouius.*

*Adamus Opatowius.*

*Adamus Miecznikowski.*

*Andreas Gronowski.*

*Augustinus Culsius.*

*Christophorus Przeworscensis.*

*Gregorius Samboritanus.*

*Franciscus Gonzaga.*

*Ioannes de Komorow.*

*Ioannes de Fulstin.*

*Ioannes Foxius.*

*Mar. Cromerus Episcopus Varmiensis.*

*Martinus Bielski.*

*Martinus Baronius.*

*Matthias Miechowita.*

*Matthias Vbiszewski.*

*Matthaus de Warszawa.*

*Nicolaus de Sokolniki.*

*Praclaus Moiecki.*

*Severinus Cracovi ordin: Præd:*

*Simon Staronolscius.*

*Topographia seu descriptio singulorum Prou: Pol:*

*Monast: ordin: S: Francisci,*

*Vincentius Morawski.*



VITA GLO-  
RIOSI SERVI  
DEI

B. SIMONIS DE LIPNICA  
ORD: MIN: DE OBSER:



Rodiga Cælestis Regis vel hîc eminet  
liberalitas, quod cum sit mirabilis in  
maiestate suâ, vult & in Sanctis suis ap-  
parere gloriosus. Non quò plus innotescat,  
qui sibi sufficiens est ad omnem  
magnificentiam, sed vt cum Electis  
quod suum est commune faciat. Quærit itaq; passim  
in Sanctis gloriam, ne solus tantum habeat, eosq; non  
solum Cælo sublimes, incircumscriptæ felicitatis per-  
fundi dulcedine, sed apud Populos quoq; ampliori-  
bus semper posthumę laudis splendoribus attolli gau-  
det; ipsis deniq; Cineribus *quibus tanquam orga-*  
*nis & vasis usus est ad omnia opera bona Spiri-*  
*tus Sanctus* publicæ venerationis innocens tribu-  
tum ab Ecclesiâ militante decerni mandat: Verè  
*dives in omnes qui invocant illum.* Ab hoc fonte  
ortum habet SERVI DEI D. SIMONIS DE LIP-  
NICA. Ord. Min. de Obs. religiosior per omnes latè  
patentis Septemtrionis Ecclesias cultus; qui ab eius  
statim felici transitu, id est ab annis plus centum quin-

S. August.  
Tom. 4. de  
cura pro  
mort.

Rom. 10.

quaginta non Populorum duntaxat publico sensu ac voce, sed & vtili multis pietate ad nos usque propagatus lectioribus in dies assurgere dignoscitur incrementis. Crescentibus enim donis quæ meritis & suffragio Cælestis Viri & numero propè infinita & successibus non tam admiranda quàm stupenda de cælo quotidie veniunt, par est ut crescant quoque donorum rationes. Sanè si æquè Superioris atque huius sæculi fidem circa idipsum pietatemve exploremus, ferè omnes in eius laudibus defixi hæserunt. Loquuntur hoc mutalicer per naturam, tot ad eius Mausoleum in sensus omnium incurrentia anathemata; non dissimulant. Aui utriusque Scriptores exceptione omni maiores, quorum nullus res Polonas attigit quin simul in eodem SERVO DEI, pro merito celebrando pius iuxta atque disertus esse contenderit. Undè mihi quoque ardor primum, deinde audacia, quæ illi sparsim in suis Annalibus adnotarunt, in ordinem cogere. Non quòd ambitioso præconio efferre propositum sit mihi cum, qui iam altior humanâ conditione omnem dicendi transcendit facultatem, sed ut in vnâ chartâ liberam magnarum virtutum ipsius & prodigiorum admirationem omnibus relinquam. Et iam operi quia Superiorum vrget autoritas manum admoueo, non tanquam laudator, sed breue duntaxat indicium daturus eorum, quæ in Glorioso SERVO DEI admiranda, siue veterum Historiographorum commendauit industria, siue recentiorum per ipsum beneficiorum portentosa magnitudo confirmat. Utque ab ortu SERVI DEI nostra quoque narratio sumat exordium.

CAPVT



## CAPVT I.

*Vix natus vita robusta exempla ministrat ;*

*Vixq; hausta lucis spargit ubiq; faces.*

*Patria,  
Genus &  
prima aras  
B. Simonis.  
Matib.  
Miech lib.  
4. cap. 73.*

**I**psa Agnominis simplex vsurpatio, prodit solum nat-  
tale D. SIMONIS, nempe Oppidum Lipnica, vnum  
ex Submontanis, septem leucarum intervallo Cra-  
coviâ procul. Ibi SERVVS DEI, honestis ijsq; po-  
tius Catholicæ Religionis laude, quàm nobilitatis  
prærogativâ illustribus Parentibus natus & eductus.  
Monstratur cælestis hujus depositi primum in terris  
reconditorium, non absq; venerationis illorum Inco-  
larum præiudicio, Domus scilicet paterna, dudum vo-  
tis & voce populi, quæ non immeritò dicitur vox  
Dei designata, nunc iam raro piæ liberalitatis exem-  
plo per \* HEROEM meritis in Toga & Sago præstan-  
tibus mansurisque gravem resolui cœpta, ut dedicetur  
in Delubrum. Vix autem prætextam VIR DEI induc-  
rat, mox spem & vota Parentum, indole ætatem an-  
tecedente æquavit. Iam tunc seipso quodammodo  
maior, sibi æqualium familiares leuitates nullo deter-  
rente declinare; frequentare templum nullo præ-  
unte; Magnæ Dei Matri, quotidianum singularis de-  
votionis pensum absq; exemplo fideliter persolvere  
visus. Docile ingenium & ad bonum spontè ruens,  
formandum primis artium elementis, circumspici  
Parentes in sui oppidi Scholâ curant. Nullus illo in  
muniis Scholæ obeundis accuratior, & facere impe-  
rata prius, quàm moneri iterum solers; Præceptorem  
quidem anxiam de suo profectu curâ absoluit, Paren-

*\* Illustr:  
D. Comi-  
tem in  
Wisnicz  
Palat.  
Russie.  
Ex Trad:  
Incol. Lip-  
nic. & PP.  
Conu;*

tum verò de se conceptam semel spem accendit magis. Quęcunq; vulgus puerorum siue amata persequitur, siue negata dolet, ille aut non vidit, aut neglecta tranſiit. Reficiendo à studiis corpusculo tempus arbitrio ipſius permiſſum ita diſpenſauit, vt coactancis ad vanitates, siue nugas pueriles varic dilapſis, ille ſibi ſemper par nihil indignum indole ſuà in moribus præſetulerit. Vndè Parentibus occaſio ab huiusmodi ſœlici tyrociniò, & primâ curâ, capacem ampliorum virtutum Cracouiam ablegandi.

## C A P V T II.

*Informes Muſa pietas quas diuidit inter:  
Ergo par Clauſtrum plũs Helicone coli.*

*Ab Aca-  
demiâ ad  
Religio-  
nem ſe-  
ceſſio.*

*Crom. lib.  
16.*

*Iuſt. Lipſ.  
An. Mur.*

**E**Rat in recenti veneratione & linguis omnium Gymnaſium Cracouiense ad quod Muſas & Gratias dimiſſo ſemel Helicone totieſq; mutatis ſedibus noviffimè diverſiſſe, non ex vano iactatum. Commendabat famę ſinceritatem exaggerata multorum eruditio, videtur voluminibus feliciter adeò repræſentata, vt arbitri cã tempeſtate litterarum quantumvis ex intervallo gauderent vices noſtras; cæteris qui in rerum paratu aut æſtimatione nomini tanto impares, ad novos pãſus ſuſpenſis. Ad hoc itaq; eruditionis omnis pelagus Parentibus manu ducentibus SERVVS DEI vbi propiũs acceſſit, non in litore ignobiles leuioris argumenti materias, ſpecioſaq; plũs quàm eruditæ ceu conchas inanes aut cucurbitas legendo ſubſtitit; ſed in ipſam abyſſum recondi-



conditoris sapientiæ magno animo totum se demisit. Vndè breui robustioribus vtriusq; Philosophiæ præfidiis satis instructus, postquam in erudito magnarum illarum animarum Arcopago comparuit, non solum plausum meruit, sed & primam in bonis Artibus lauream, tulit præmium. Commodum Deo ita ordinante accidit, quòd sub idem ferè tempus B. IOANNES CAPISTRANVS magnus proferendæ gloriæ Dei & paupertatis sanctissimæ zelator omnes Urbis angulos, famam nominis sui & sanctitatis opinione impleuerat. Diuisam is cum SANCTO BERNARDINO Senense propagandæ Observantiæ, cuius ambo fuere alteri Conditores provinciam nactus, post Austriam Bohemiamq; (factus ubiq; multis causa salutis æternæ) peragratam, parium successuum fiduciâ finibus Poloniæ se intulit. Mox inusitato Regis Casimiri totiusq; populi plausu Cracouiæ exceptus, erigit suggestum in medio Ciuitatis foro. Vbi prædicationi Verbi Dei absq; intermissione insistens (vno ex Alumnis Academiæ qui officio interpretis ad populum Latini sermonis expertem defungeretur adhibito) piam in mentibus hominum non benè cum cælo conuenientium exercuit tyrannidem. Palam, clam, cominùs, eminùs, fiebat concursus omnium ad Virum verba vitæ loquentem, neq; aliquis propius accessit vt non melior rediret. Gratum fuit cælo spectaculum ad vocem vnus hominis tanquam vocem ipsius Dei vndiq; hominum peccatorum greges confluere, & non cum vitijs solum, sed (quod leuioris noxæ titulum censuramq; meretur) etiam cum mundi vanitatibus, densari pulchra diuortia. Sanè ex solâ alex, taxillorum, globulorum lufiorum, & similium ad pedes VIRI DEI vitrò pro-

*Metr. Acad. Crac.*

*Petrus Skarga in vita SS. ad diem 23. Octob.*

*Idem Pet. Skar.*

In descr.  
Civis.  
Cracov.

iektorum, promiscuâ congerie, tantus tunc in altum crevit acervus, ut postquam piacularem concepit ignem, non rumoribus tantum, sed trepidationi quoque causam dedisse memoretur. Nobilior verò longe flamma illa cœlestis, quæ eodem pabulum Verbi Dei suggerente, eiusmodi vim in circumstantium sensibus collegit, ut ex solis famosissimæ Scholæ Alumnis, siue trecenti iuxta calculum Præclai Moieci, siue centum triginta duntaxat, Petro Skarga supputatore non vitia solum, sed sæculum quoque deferuerint, Christum induerint; VIRO SANCTO sub iisdem legibus, quibus ipse paruit perpetuò adhæserint. Hos fortunatos nimium transfugas B. SIMON in exemplum sibi proposuit, ipsique non ita multò post aggregatus, non prius oculis vsurpari, quàm colì ab omnibus meruit. Esse quippè iam cœperat in precio apud omnes virtutum ipsius cum quibus adolevit diù latens contentus, quem Clauetro illatum, ubi arctiore nexu votorum Religiosorum deuinxit, facile omnium in se non oculos tantum sed studia traxit.

### CAPVT III.

*Sapè Deum inuidum simplex oratio vincit;  
Semper per MARIAM vincere missa  
solet.*

Orationis  
feruor &  
cultus in  
Deipara-  
ram.

PORRÒ SERVVS DEI, parum sibi de mundo triumphare visus, quia illi corpus subduxit, nisi etiam mentem humana pridem fastidientem, à corpore (quantum fas) diuideret, in eumque eueheret gradum, supra



suprà quem ascendi non potest, totum se in campar-  
tem dedit. Cœlestium enim contemplationi semper  
intentus, dici nostrisq; expuncto discrimine, inuictum  
ab oratione Spiritū non relaxabat. Quoties ad decan-  
tandas Dei laudes signum datum esset, nullus prior in  
Chorum venientis, nullus posterior discedentis de-  
prehendit vestigium. Dilapsis ad quietem Fratribus,  
ille perpetuas excubias agere, siue in Domo Dei, siue  
in Cellâ, quæ sicut Paradysus Domini, ob familiare  
ipsius cum Deo contubernium, reliquis eminebat.  
Somni necessarii vix tantillum patiens, quantum ad  
corpusculum continuis vigiliis attenuatum, reficien-  
dum non recreandum sat esset. Cæterum secundum  
Deum in honorem Deiparæ fuit effusissimus. Eius dul-  
ci alloquio plures horas deuotissimè impendebat, Of-  
ficio vulgari Benedicam, vtriq; Coronam quotidie  
superaddendo. In illius honorem ieiunia siue sibi ipse  
indicebat, siue indicta ab aliis producebat. Diebus  
nomini illius dicatis, solenne eidem asperius cilicium  
induere, sicut non nemini palmeum stragulum in Pa-  
schate. In hoc erga Dei Matrem cultu vt multus esset,  
illi qui & vitæ religioſe instituendæ fuere ipsi duces;  
Orbis inquam illud miraculum SANCTVS FRANCI-  
SCVS, & SANCTVS BERNARDINVS. Quorum ille  
(vt Seraphici Doctoris vtar non solum testimonio sed  
verbis quoq;) *Matrem Domini indicibili comple-*  
*tebatur affectu, in ipsam post Christum praci-*  
*pue fideus, eam sui ac suorum Advocatam con-*  
*sistuit, & in eius honorem à Fæsto SS. Apostolo-*  
*rum Petri & Pauli, vsq; ad Assumptionem de-*  
*uotissimè ieiunabat. Istius pariter vota & preces*  
*die*

Legen.  
Conuent.

Pr. Nicol.  
de Sokel.

S. Anton.  
Erem.

In Vita S.  
Francis:  
cap. 9.

Breu.  
Rom.

die noctuq; in eandem Virginem ferebantur, devotioneq; illius & gratiâ inflammatus, tenerâ atate Sabbatho ieiunans, laudabili cursu, quoad vixit perseveravit. Ad tantorum Magistrorum exemplum D. SIMON. omni tempore in colendâ Magnâ Dei Matre præ se tulit sinceritatem. Quam verò id cordi fuerit Virgini Sanctissimæ, palam ipsa fecit: Nam se Viro Dei visibili specie pluries obtulisse, præbuisseq; Cœlestium consolationum gustum, constans est traditio Patrum loci, picturis æuum ferentibus, variè repræsentata. Extant in fronte Cellæ, quam D. SIMON incoluisse fertur, metra ab ipso composita, & sacrâ manu exarata, quæ hæc subijcere placuit. Firmant enim dicta nostra simulq; innocentis verè sæculi indolem loquuntur.

*Tu quisquis fueris huius casa habitator,  
Memento quod sis Mariæ Matris amator,  
Quod dùm fideliter feceris securus ad astra  
meabis,*

*Eximia Matri, Proli quoq; gloriam dabis.  
Et pro scriptore haud dubiùm feruenter orabis.  
Si fuit, qui scripsit, mori quem Deus benedixit.  
Cracovia vixit, multis salutem ac induxit,  
Ductor cæcorum, plenus sorde vitiorum,  
Attamen cunctorum tractus odore bonorum.  
Quem Virgo Regia mundet à crimine pura,  
En commissâ sibi datur de homine cura.  
Hanc veneretur omnis qui sorde tenetur,*

*Vt*



*Vt emundetur, cali quoq; sede locetur.  
Fiat sic Amen, quod detur omni solamen;  
Sentiant iuvamen flentes per sacula Amen.*

## CAPVT IV.

*Dùm vilis ipse sibi est mundi pede gaudia calcat;  
Dùm orat, calorū vertice summa ferit.*

**A**D feruorem deuotionis reliquarum omnium virtutum præsidia adhibuit, quibus, præcipuè vero humilitate, & candore puritatis, velut alis duabus subnixus, in arcem perfectionis feliciter euasit. Et sanè omnium quæcunq; Deo charæ fuere animæ, potissimùm elaborauit industria in hac virtutum antesignanâ sibi conciliandâ, Humilitate scilicet; sine quâ virtutis tantum umbram, ac ne umbram quidem habuissent. Nam sicut ab viribus necesse est quicquid aeris intus latet foras emittere, vt bonus odor infundatur, sic ab animis euomendus est omnis arrogantia flatus, vt suus virtuti relinquatur locus. Altus de se sensus facit, vt vnusquisq; se ignoret, & pluriès post multos labores virtutis thesauros exhaurit. Hinc ipsa Veritas, cernens magnis virtutibus perniciosam supercilij tabem vulgò adnasci, ad ipsam de cordibus suorum expungendam, cœlestis paradoxo nec antea in terris vsurpati, (*cùm feceritis omnia, dicite serui inutiles sumus,*) vim momentumq; Apostolis anxie instillauit. Alie in suum demisit pectus hoc Saluatoris monitum Sanctus noster; non sibi tribuebat quæ

*Sui despicientia.*

*Plutarch.*

*S. Chrysost.*

*Luca 17.*

*Legen.*

C

Deo Conv.

Deo largiente accepisset, aut iuuante perfecisset, glorificando in omnibus Vnum Patrem Cœlestem. Laudes hominum æquabat aut fumo oculis inimico, aut Scorpio post lenocinantem oris sibilum caudâ ferire solito. Ab illis proinde contendit esse procûl; obiectas verò & se inuito offerentes, sui obliuiscens, subito in authorem omnis boni regerebat. Cultum quoque corporis innocentissimi, ad omnem componebat modestiam, vt ex omni parte vilis ipse sibi deprehenderetur. Ab altissimâ cœlestium rerum contemplatione colligendo vires, transferebat ad operas, vulgi sensu ignobiles, sed eius modestiâ dignissimas, & vel lignis sciendendis, vel fingendis lateribus vacare, familiare habuit. Sæpius delicati animi fastidio sublato, in fœtentem cloacam se infernè demisit vt elueret; quodq; cæteris probrum aut horrorem inducit, ille suum decus interpretabatur. Et quamuis in Religione præfici sæpius meruit (nam & munus sustinuit Commissarij) id tamen quàm ipsi insipidum fuerit, nisi totum obedientia condiuisset, charitas inflammasset, non dissimulat vetus Scriptor, & eius in officio prædicationis Successor. Sic autem ille: *Honores quosq; fugiebat maxime, vt humilitatis custos sanctissima. Si verò obedientiâ adstrictus salutari quandoque præficietur, nullatenus exinde à recto iustitiæ tramite, siue humilitatis pristina utcunq; digrediens, vitiosos si quos reperire poterat sufficienti præhabita maturitate paternaliter puniuit. Stantes autem & de limitibus regularitatis non exorbitantes, benignè & fauorabiliter confortabat,*

Nicol. de  
Sokol.



bat, nempe morem pī sectatus pastoris, gregem sibi  
 vigilantissimè circumspēctans cōmissum à mor-  
 bus teterrimarum sollicitè defendebat bestiarum.  
 Neq̃ aliquandò VIR SANCTVS desit esse similis si-  
 bi; nam vt eundem Scriptorem iterum in theatrum  
 producam. *Limitibus exulatus sui aduolutus,*  
*Fratrem sui circumspēctorem, non modò instan-*  
*ter quàm deuotè sepeliendum se deprecatur, sub*  
*limine praeforibus Ecclesia; nec abs re profectò, vt*  
*quoniam in vitâ respectu ceterorum puluerem*  
*se existimabat exiguum, in morte quoq̃, fieret cal-*  
*canens eorundem.* Porro VIR DEI cum hoc modo  
 se reliquis hominibus ex humilitate substerneret,  
 mentis altæ iudicio humana transcendit, gloriæq̃  
 prætereuntis imaginem calcavit non inglorius. *Non* Prov. 31.  
*extinguetur enim in nocte obliuionis lucerna San-*  
*ctitatis eius, & benedicente illo qui ponit humiles* Iob. 5.  
*in sublimi, laudes ipsius enarrabit omnis Ecclesia* Eccl. 31.  
*Sanctorum.*

## CAPVT V.

*Sic candore nives; caelestia corpora cultu;  
 Munditi mentes anteit Angelicas.*

**F**LOS censetur præcipuus Ecclesiastici germinis,  
 decus atq̃ ornamentum gratiæ Spiritualis, læta  
 indoles laudis & honoris, opus integrum atq̃ in-

*Virginitas  
 perpetua decus.*

*S. Aug. lib.*

*4. c. 8 de*

*doctrina*

corruptum, Dei imago respondens ad sanctimoniam Domini, illustrior portus gregis Christi, quilibet non mentis solum sed carnis quoque puritate, beatarum mentium conditionem antequam placide usurpet in cœlis, hinc fortiter emulatur. Talis fuit VIR DEI de quo nobis sermo, *Florem niuei candoris, suarum ab in- eunte fasciarum atate in finem usque integrè reti- nens*. Ut verò retineret; quam semel induit armatu- ram pudoris, nusquam deinceps exiit; circumduxit vallum verecundix, murum sensibus opposuit, qui nec oculos eius in alia præter cœlum transmitteret, nec admitteret alienos. Nouerat bene fidem, ocu- lum, castitatem, non ferre ludum citrà noxam. No- uerat colorem hominis perfecti facile mutari, nisi quis contineat oculos à vanitate, pedes ab euagatione, manus à mollium contactu, cor à terrenorum deside- rio. Totus proinde in eo fuit, ne quid in sensum vllum incurreret quod aduersaretur puritati, solitudinis a- mantissimus, & illis duntaxat patere solitus, quos misericordia non erubesceret, neque præteriret vere- cundia. Et ne quis fidem Historix, aut temerarius ele- uet, aut rideat dissolutus, apponam antequam hinc de- finam commemorandam VIRI DEI in retinendo congenitæ puritatis candore sollicitudinem. Inva- serat Matronam quandam genere æquè ac moribus illustrem, Sexui suo morbus vulgaris, intempestiuum desiderium de propinquo videndi, & in mores Sancti curiosius inquirendi, quem non nisi famam, aut certe ex intervallo, dum ex suggestu cæteris eminceret, fas erat oculis promiscuis usurpare. Itaque voti impotens, venit ad Portam Conventus formoso stipata comita- tu,



tu, petitq; à VIRO SANCTO breue colloquium, & quidem, quò faciliùs impetret, obtentu confessionis. Monitus eo nomine per Portæ Custodem VIR DEI respondet, nihil minus quàm se posse mulierculis impendere, aut personam quam solam sustinebat Prædicatoris, cum Confessarii officio confundere. Instat verò illa magis, siue repulsæ insueta, siue secura SERVI DEI constantiam vel solâ importunitate prætextâ pietatis expugnatum in. Et celsit quidem ille tunc ex parte importunitati, non tamen videndum te Fæminæ concessit. Vicinus enim portæ ipsam pessulo superinducto claudi imperat, ne plùs vltà quàm audiri posset pateret. Sic mulier cùm totum vellet, vix vocem hausit; nec ipsam totam, quia intrâ obstantis parietis recessus penè suffocatam. Quanquam iugulandæ leuitati suffecit. Nam Magnifica illa sollicitatrix primùm intrâ se confusa, mox reuersa ad cor, cui non nihil illuserat, deinceps venerata est sincerius sanctitatem. Quisquis hæc leges puritatis amans, discet ut claudas vas tuum ne vnguentum effluat, claude virginitatem verecundiâ loquendi, & abstinentiâ *S. Ambr.* gloriandi. Etiam sub specioso prætextu spiritualis *de Virg.* necessitudinis, informia præcipitia latent; & ab incautis insidias pulchras sæpè contingit, non præuideri priùs donec inuoluant.

## CAPVT

## CAPVT VI.

*Militia species Vita est, de carne triumphos  
Voluit; si cessas vincere victus abis.*

*Carnis  
inaceta-  
tio.*

*S. Aug. in  
Psal. 21.*

*S. Hier. ad  
Eust.*

*S. Aug. de  
Cobab.  
Cler. &  
Mul.*

**T**Ritum est in Scholâ Medicorum, omne dulce esse obstruendis impediendisq; visceribus aptum; & curandis repletionibus amara pharmaca propinari, non dulcia: Idem in Christi Scholâ vsu venit, in quâ oportet (inquit Hipponensis Ecclesiæ decus,) vt intelligat homo medicum esse Deum, & tribulationem medicamentum ad salutem. Solus in delicijs Salomon fuit, & ideo forsan corruit! Vnde Viri Sancti, cum aliundè cessarent, ipsi sibi admovebant doloris instrumenta, hoc ipso non calamitosi, sed fortes. Euigoratur altâ pace militum industria; sic, quotquot Spirituali militiæ inserti, nisi fortibus pœnitentiis excitentur, languescunt. Nec ridendum carni quantumuis se subternat animo. Si desinas ferire, subito insolescit. Asinum cogita, animal mite quidem & ad laborem natum, sed nisi stimulis cogas ad officium, negligit. Carnem fortitus erat moratam bene SANCTVS NOSTER, cui animus non tanquam pars adhæsit, sed vt Princeps præfuit. Carni tamen non fidei, cui à libertate ad interitum transitus facilis. Cogitabat illas apud Magnum Augustinum Cedros Dei, Ecclesiæ luminaria, Duces gregum, qui dum minus timent, grauius labuntur. Apprehendit itaq; disciplinam, vt non periret in viâ iustâ. Præinxit cilicio lumbos suos, nec resibulauit aliquandò, nisi quandò superinducendum esset asperius. Humiliabat in ieiunio



nio animam suam. Puniuit fletibus culpas, non quas in se deprehenderet, sed quæ displicebant in aliis. Non laudes, rem narro. Et ne per communia & generatim diffusa semper incedam, appono singulare. Erat in Conventu senticetum, formicarum, pulicum, & huius generis similium ferox, Purgatorium vulgò dicebant. Huc sapiens VIR SANCTVS clàm ventitare, & postquàm putredini dixit, *Pater meus es tu, mater mea & soror mea vermicibus*; illis se detractâ veste permiscere; Imitatus cõsummatæ patientiæ speculum Sanctū Iob, qui non dispari indole deliciabatur in sterquilinio. Nisi quòd iste vermes testâ siue lapide radebat, noster concitabat in se. Et fortè ille cùm linteam non deesset petram potius adhibuit, quia in petrà Christum (*Petra enim erat Christus*) oculis propheticis vsurpauit: alter eundem Christum, qui se non hominem sed Vermem alicubi nominat, feliciter inter vermes quæ fuit, quia re ipsa tenuit, nec dimisit aliquandò, ponendo ipsum *ut signaculum, super cor suū, ut signaculum super brachium suum*. Ipsius societate delinitus tot in unum coëuntium morsibus bestiolarum peti diutius sustinuit, moueri ne tantillum. Vibrabant illæ aculeos ut ferirent, aperiebat iste os suum ut pro illis Conditori laudem ferret. Cesantibus à morfu bestiolis carni innocēti, seu insuetis, seu parcentibus, superinducebat rodosum è funiculis tormentum, nec retrahebat fessam iatibus manum, antè illud spatium, quantum Psalmis quorum apud penitentes vsus, non perfunctoriè percurrendis impendi vulgò solet. Sic ille in medijs quoq; sordibus, aram extruebat puritati. In illâ cor suum immacula-

Leg. Conv.

Iob. 17.

Cof. Mag.  
lib. 4. in  
benedict.  
PP.1. Cor. 10.  
Psal. 21.

Cant. 8.

Mart. de  
Varf.

Eph. 5.

tum charitatis excitato igne adolere; masculum orationis thus accendere: carne laceratâ velut maceratâ hostiâ placamentum, facere Domino solens. Petitus piâ adulatione Fratrum, qui monebant ut subindè indulgeret, nunquàm quiescenti corpusculo, ille digito sepulchrum monstravit, subijciens nimium in eo quietis imminere corpori; interim redimendum esse tempus, neq; cessandum à negotiatione, ut reportemus promissiones.

## CAPVT VII.

*Commendat virtus homines, patientia cunctas  
Virtutes: Vnam hanc qui tenet, Astra tenet.*

Affectuum  
modera-  
tio.

Leg. Conv.  
Deut. 32.

2, Cor. 12.

**M**agna hæc sunt quibus vnam carnem domuit, maiora per quæ dispersos variè animi motus compulit in ordinem; æqualis sibi semper, & cœlo vltra nubes & suprâ ventos tranquillior. Nulli in ipso inuidiæ turbines, nulla irarum tulgura, aut truces in vultu nebulæ, nisi quando *concresecbat in pluuiam doctrina eius, aut fluebat ut ros eloquium ipsius*. Letis non insolescebat, inter aduersa cogitabat neminem verè esse beatum, cui non incumbit patienti necessitas, *virtus enim in infirmitate perficitur*. Quotquot omni sæculorum memoriâ, Sanctitatis luce Orbi fulserunt, iisdem alieni liuoris vmbra semper illudit; & vulgò quò manus prorepere non possunt, linguæ audent. Ipsa Diuinitas voces contrâ se audit, & sustinet. Neq; VIR DEI hac in parte plus fælix. Virtutes eius qui non ferebant, oderant. Et fortasse suorum murmur, familiare Claustris malum le-

uius



uius euenisset, sed exterorum quoq; patuit conuicijs. Multi mores ipsius innocentissimos fugillare, inedi-  
am, flagella, in suspicionem trahere vanitatis, prædi-  
candi gratiam non ad profectum audientium, sed aliò  
flectere. Sed sicut nulla sagitta in solem cadit, quan-  
tūuis mille proijcias, ita VIR DEI frustrà est oppu-  
gnatus, nescius moueri. Inter cætera quibus VIR DEI  
præibat omnibus ad pietatem, fuit tenerrimus affe-  
ctus ipsius erga tremendum nomen IESVS. Hinc quo-  
ties ex suggestu erudiebat ad iusticiam Populos, in  
fine sermonis idem Nomen dulcissimum (quò altius  
infigeretur cordibus auditorum) ter desertà juxtà ac  
deuotà voce, resumente populo inuocare, familiare  
sibi fecerat. Materiam interpretationibus nacti, qui  
de pietatis profectu iudicare aut facere eundem ru-  
des, rem ad Præsides Sacrorum deferunt, quasi ole-  
ret perniciosam nouitatem. Monitus VIR DEI, vt in  
Sacro amplissimi Capituli Cracouiensis confessu  
compareret, sedit se Concilio nihil minùs cogitans  
quàm se impietatis aut erroris ad publicæ animad-  
versionis censuram exigendi peti. Et vbi antiè om-  
nia, pro suo & Religionis more, aduolutus pedibus  
cunctorum deprecatus est humiliter culpam, cuius  
non fuit capax: Patres mox subiiciunt, non esse in  
obscurò vitæ & morum ipsius integritatem, displice-  
re tamen sibi quòd rebus nouandis studere videatur,  
vsurpando in Concionibus ternam absq; exemplo  
nominis IESVS inuocationem; cùm exquisita priva-  
torū pietas, sæpiùs causam dedisse in Ecclesià fa-  
ctionibus & diuisioni fuerit deprehensa. His auditis VIR  
DEI, non suum sed DEI honorem illa accusatione  
verti animaduertens, sui prorsus immemor, totus in-

*Ioan de  
Komor. &  
Franc.  
Gonz.*

Eccl. 48. & *verbum eius quasi facula arsit*. O bone (inquit) IESV! ô suauissime IESV! Quid est quod nomen tuum fastidio esse incipit, quod est *dulce super mel & fauam*? Cur usurpari prohibetur, cum scriptum sit, *omnis qui inuocauerit nomen Domini saluus erit*? An non istud *nomen coram gentibus & Regibus & filiis Israël portare iussus est Vas Electionis*? *Nomen* (inquam) *quod est super omne nomen*. Quod Benjamin Christi in suo breuissimo quantumuis omnium Euangelico Codice, plusquam ducenties vices repetijt. Cuius Doctor Gentium in ipsa cum morte luctu tenax, iamq; capite minor, ter IESVM dum nominat, tribus Fontibus originem prodigiosam & inde nomen in Vrbe celebre dedit. Quod deniq; quia in ore dum viveret habuit semper Deifer Ignatius, ideo postquam viuere desijt, in intimo cordis recessu aureis punctis tanquam stellis distinctum præferre meruit. Fremat licet mundus, dicam quod sentio, Aridus est omnis animæ cibus, si non istius salutaris Nominis oleo perfunditur: insipidus est si non isto sale conditur, si scribas non sapit mihi nisi legero ibi IESVM. Si disputes aut conferas non sapit mihi, nisi sonuerit ibi IESVS. Moriar ego viuat IESVS. IESVS mel in ore, in aure melos, in corde iubilus! In hunc modum differente VIRO DEI intuebantur omnes vultum eius, tanquam vultum Angeli stantis in medio, deinde non expectato suffragiorum censu, vno omnium ore pro vituperio plausum tulit; sollicitatus præterea ad plura audendum pro gloria



riâ Nominis sæpius nominati, nunquam celebrati factis. Caterùm vt conuitium sic laudes infernè non admittit, mirabili pugnantium affectuum temperamento, cuius constans sibi semper in vultu color, fuit index.

## CAPVT VIII.

*Anxius omnis amans; terrarum circuit orbem,  
Vt capiat captus cuius amore fuit.*

**Q**uasi omnem prorsus patientiæ virtutumq; ceterarum materiam domi obuiam exhauisset, egreditur foras VIR DEI, similis Euangelico negotiatori, quærenti bonas Margaritas, & in vnâ plus preciosa subsistenti: quod ad scientiam Salvatoris & resurrectionis arcanum ingeniosè refert Sanctus Hieronymus, alij ad charitatem sine quâ nihil alicui prodest, quodcunq; habuerit. Quantam vim amoris erga Deum & proximum collegerit intra se SERVVS DEI, vel hæc Sacra de quâ nobis Sermo peregrinatio luculenter prodit. Charitas ad iter calceauit in præparationem Euangelij pacis pedes eius, diu iam in publico non deprehensos. Amoris vehementia, à quietissimâ cœlestium rerum consideratione, mentem ægrè abstraxit; & hæc ipsa corpusculum vix ossibus hærens, nouis longi æquè ac molesti itineris incommodis obiectit. Ergò partim desiderio Martyrii properat ad locum, vbi caput Martyrum pro ijs quos vt alteros se diligebat animam posuit; partim spe lucri Christo faciendi animas quarum interitus cordolium excitaucrat in VIRO DEI transgreditur ad Gentes.

*Peregrinatio Hierosolymam.*

*S. Hier. in c. Matt. 13.  
S. August. Tract. 5. in Epist. Ioan.*

Scio multos corripere peregrinandi prurigne, sed sine non vno. Noster præter DEI gloriam, & proximorum ædificationem ad aliud respexit nihil. Hinc non solum Superiorum Ordinis, sed ipsius Verticis Ecclesiæ auctoritate & votis accingi ad iter meruit. Antè iter susceptum *Regulam Franciscanam*, cuius fuit *zelantissimus memoria mandauit*, ut si fortè manu scriptam quam semper secum habebat, sapiusquè lectitabat sibi à Saracenis auferri contingeret, altera in memoriâ sculpta superesset, ad quam tanquam ad Lydium lapidem suas actiones exploraret. Comitum viæ adhibuit moribus suis non abfimilem, & sanctitatis quoque opinione celebrem, B. Tiburcium Szrodanum. Prius verò Sanctitatis omnis arcem Romam, antequàm Hierosolymam adire officij necessarii duxit, Limita Apostolorum & Christi in terris Vicarium deuotè cum Socio veneratus, ad adorandum loca Christi sanguine purpurata gressum mouit. Quidquid loci nos inter, Romam, & Palestinam interest, nudis pedibus, viatico suffultus nullo, vterque emensus est; memores verborum Domini, qui parum existimauit, si tantum possessionem lautioris substantiæ Discipulis auferret, nisi etiam peram ipsam acturo longum iter Apostolo sustulisset, & vnus eum tunicæ singularitate, insuper calceamentorum interdicto multastet. Quanta porro toto sacri istius itineris decursu oportuit ipsos pati, dum Christum & hunc crucifixum, inimicis Crucis magno animo ubique prædicarent, & in eiusdem nomine (quod tantoperè infidelibus

Fran Gen.  
Part. 2 fol.  
464.

Matth. de  
Varf.

Matth. 10.

Salui li. 2.

delibus cor sauciat) stipem necessariam corrogantes, alienum limen tererent, liberum cuiq; suspicandi sensum modestia ipsorum reliquit. Neq; enim nobile istud par Fratrum, testem alium admisit suarum actionum, præterquàm illum, cui patebunt cordis abscondita in die novissimo. Videor autem inter currendum audire concincentes Benedicimus Regem Cœli, *qui perfecit pedes nostros tanquam* Psal. 17.

*Cervorum ut super excelsa statuatur nos. Ah!*

*Quando veniemus, & adorabimus in loco ubi* Psal. 130.  
*feterunt pedes eius? Num quem diligit anima* Cant. 2.  
*nostra vidistis? Indicate nobis ubi pascit, ubi* Cant. 11.  
*cubat, in meridie? Fulcite nos floribus, sti-* Cant. 2.  
*pate nos malis, quia amore languemus. Sed*

ecce deueniunt tandem per casus varios in terram, cui benedixit Dominus, & post consalutatum reuerenter Bethleemiticum Præsepe, Salutaresq; Cunas, Montem in quo DEVS passus per vnionem, cùm per naturam non posset, humiliter adorant; inde ab v. S. Aug. bere, hinc refecti à vulnere. Liquefiebat anima VIRI DEI à multitudine prodigiorum, quæ fecit Altissimus in terrâ illâ, non solum lactis & mellis in filij Dei nativitate, sed sanguinis quoque à Sacris eiusdem vulneribus diuite. Et quamvis dudum mytheria vitæ & mortis Salvatoris altissimè cordi impressa ubique circumferebat, tamen loci illius sensibili dulcedine delibatâ & degustatâ intimiùs, mirabiles tunc in ipso cœlestis incendij effectus excitarunt. Iam ab eo momento vivebat ille non amplius ille, sed Christus in illo; plus solito Crucifi-



S. Bernar.  
de Paß. Do.  
cap. 31.  
ad Phil. 3.

xo suauiter commori, & corpus tanquam aliud à corpore sensibus orbum proferre in sublime visus, tam procul à terrâ, quàm ipse propior mente Dilecto qui suprà cœlos. Omne opus eius inusitatâ charitate arsit, sermo passione Agni & Sponsi rubuit, atq; adeo *omnis eius conuersatio videbatur esse in cœlis.*

## CAPVT IX.

*Frustrâ quasisti; latet intrâ Sponsus, & illi  
Hocce tuum semper COR mirotheca fuit.*

Reditus in  
Patriam.

**S**Pe martyrij quod semper animo voluebat præcisâ sibi in Palæstinâ, seriùs in patriam Dei spiritu impellente reuertitur. Redux, Cracoviæ ingenti omnium lætitiâ exceptus est, præsertim quos ipsi par vitæ innocentia & gloriæ Dei proferendæ studium, arctius devinxerat. Multos verò tales in eâ tunc Vrbe (quæ idèò Pantheon seu omnis Sanctitatis nidus audire meruerat) floruisse, non dissimulant priuata diuersarum Congregationum diaria. Vulgò tamen

Adæ Opat.

Matth.  
Vbiß.

Quinq; attolluntur; non quòd plures eiusmodi tunc abessent, sed quia iam latent. B. IOANNES CANTIVS S. Theologia Doctor & celebris Academia Cracouiensis Professor, Vir vitæ sanctitate, atq; omni innocentia conspicuus, interq; plurima miracula precibus & meritis ad Deum suis plurimum mortuorum resuscitator magnificus. B. SVENTOSLAUS Mansionarius B. M. V. in Circulo Cracouiensi ultimarum voluntatum exequu-

*exequutor, visionum cœlestium contemplator ac  
 perpetuum silentium in vitâ seruans. B. MI-  
 CHAËL Ordinis S. Maria de Metro apud  
 Sanctum Marcum plurimorum miraculorum  
 patrator clarissimus. B. STANISLAUS Casimiri-  
 tanus Canc. Reg. Ord. S. Augustini, Casimiriæ  
 ad eadem Sanctissimi Corporis Christi plurimo-  
 rum infirmorum curator, maestorumq; consola-  
 tor proficiuus. Et B. ISAIAS Ordin. Eremit. S. August.  
 à morum doctrinæ & signorum gloriâ eruditis pio-  
 rum calamis daturus semper materiam. Horum Cœ-  
 lestium Virorum necessario alloquio postquam exi-  
 nere temporis aliquid impendit VIR DEI, vix dein-  
 ceptus alicui patuit. Nam quamuis eorundem San- Idem Vbis.  
 Etorum Virorum iucundo aspectu frui sapiens cu-  
 piebat, Religionis instituta & cura rerum Divi-  
 narum obsistebant. Animo tamen semper hæsit in  
 admiratione excelsarum virtutum quas in ipsis velut  
 in exemplari, sibi omni conatu æmulandas propone-  
 bat. Non quòd earum diues non fuerit; sed vt ab æ-  
 mulatione fumerent robur. Itaq; erga omnes beni-  
 gnus sibi mutatus in crudelem, solitudinem religio-  
 sis coluit. Nihil austeritatis poterat ab aliquo exco-  
 gitari, quod ille in se aut non prior exerceret, aut re-  
 sumptum ingeniosâ pietate, non plùs sœuire faceret.  
 Vitæ tamen communis, quod quis iure miretur inter Legen.  
 exquisitas etiam pœnitentias semper tenax, quò ma- Conv.  
 iorem se abijciendi in oculis omnium haberet oppor-  
 tunitatem, Vestis illi qualis cæteris omnibus quibus*

Nicol. de  
Sokol.

cum vixit, nec aspera nec culta nimis: ut scilicet facientem aliunde in corpus vestis horror non proderet, & tamen vestis eiusdem lenitas durare quam mulcere aptior, præferret paupertatis altissimæ arcanam maiestatem. Est in magna veneratione ad hunc diem, quia virtus sæpius exit ex illâ, Rectoribus tenebrarum infesta, salutaris hominibus. Porro non sibi duntaxat ut prodesset solitudinem elegit: Sed vires corporis & anima pro salute Christicolarum libens exponebat, animarum zelotypiâ succensus, ne videlicet tam nobilis creatura, imagine Dei insignita & Christi precioso sanguine redempta aliquatenus tetrâ obuoluta criminibus, nobili & amabili sponso Christo Iesu redderetur detestabilis. Unde Verbi Dei pabulo feruentissimus reficiebat easdem sedulo. Et reuera dicam innumeras Tartareis eruens faucibus animas, calo reddidit per vitam emendam. Quandoquidem Religiosi multi effecti, quorum nonnulli coherentes eius Habitui adhuc extant viui, quidam autem pœnitentiam agebant sub Habitu seculari, siue alterius cuiuscumq; Cœnobij, corde compuncti; & eius admirandis prædicationum eloquiis, imò etiam diuinis sacrorum exemplis morum, quibus apprimè refulsit, profluebant planè saxosa plurimum & arida corda, in guttas lacrymarum vberes, imbre compluta cœlesti, ab eiusdem ore sacro in eos manante; ac ipsa quoq; carnalia seu mundia-



*mundialia in promptu deuitata, Christo reddebantur firma charitate unita.* Monstratur in Archiuo Conuentus Cracouiensis Codex molis iustæ, totus VIRI DEI manu exaratus in quo eius ignita vehementer eloquia, nisi hominem homo penitus exuat, facile senut, quicumq; vsurpat. Cæterum multis qui ab eius diserto ore pendebant & disciplinâ, Tres maximè per traducem pietatis laudem famosi. B. IOANNES DVKLANVS, B. LADISLAVS GELNOVIVS, & B. RAPHAEL PROSOVICIVS. Singuli tantum isto Doctore profecerunt, quantum postea ipsorum declarauit sanctitas, à fide Annalium, continuâ miraculorum serie, & conscientiâ Gentis nostræ hominum, exigenda. Eam separatis voluminibus includere frustra tentarunt nonnulli; nam semper occurrit, quod semper addant; Et dùm hæc scribo properat ad finem BB. Ioannis & Ladislai vitæ & miraculorum examen, autoritate Summæ Sedis in formâ (vt vocant) probante institutum. Nec ambigitur, debitis breui ab Ecclesiâ Vniuersali cumulandos honoribus, quos instar Ciuitatum refugij, Ecclesiæ Septentrionales expertæ sunt plures proficuos Patronos.

Sed de hoc felici Ternatio non plus; ne ex eius causâ alia dicantur, cuius omnia dice-

re propositum est nostrum.

E

CAPVT

## CAPVT X.

*Miro conspirant cum rebus fœdere verba;  
Exemplo Christi, quæ facit illa docet.*

Monita Sa-  
lutaria.  
Matt. 12.

**S**ermo est interpretis mentis, & vulgò *ex cordis ab-*  
*Sundantiâ os loquitur.* Hinc cum gestis præclare  
dicta confunduntur, pari virium in animos capaces  
æstimatione. Informant præcepta, firmant exempla,  
digna vtrâq; Cedro, si ad virtutem. Non erant itaq;  
citrà iniuriam prætereunda quæ ab ore Viri Dei hau-  
sta; ad nos vsq; transmisit, accurata singulorum adno-  
tatrix Antiquitas. Quanquam BEATVS SIMON  
plura in vitâ gessit quàm dixit; imitatus geminas om-  
nis perfectionis ideas, Salvatorem scilicet os suum  
in parabolis post triginta primùm annos aperientem,  
& eius Gloriosam Matrem, quam non plùs quinques  
locutam produunt Evangelici Codices. Murmur ad  
mensam multorum malorum fomitem, vbi serpit im-  
punè, ita suauius sustulit. Repetebat sæpiùs familia-  
re sibi monitum. *Frater caue, ne sis Prælatus, Co-*  
*quus, Medicus;* id est; ne tibi assumes partes Prælati  
distribuendo promiscuè alijs, quod tibi assignatur;  
Coquinarij aliter condiendo; Medici oblata refutan-  
do, obtentu non boni nutrimenti aut saporis. Rogat-  
us à quodam Fratre artem rectè proficiendi in præ-  
dicationis munere, tribus verbis omnem acutè inuo-  
luit, subiiciens: *Ora, labora, despera.* Ora, Deum de-  
precando; labora, scripturas uoluendo; despera, ar-  
rogantiam declinando. Peste grauius Cracouiæ sæ-  
uiente, cum pleriq; in Dei bonitatem vocibus blas-  
phemis

B. Raph.  
Proff.

Ioan: de  
Komor.

phemis iniurijs essent, ille flagellum hoc Dei mitissime interpretabatur vocando IVBILEVM ELECTORVM. *Nicol. de Sokol,*  
 Nouitiorum quandò ipsis præesse contigit, ita explorabat constantiam. Ardentes prunas nudis pedibus calcare vnumquemq; iussit. Qui titubabat, reijciebatur; alacritatem qui præ se tulit, tanquàm non indignus Sancto Sodalitio, inueniebat gratiam in oculis VIRI DEI. Narrat P. Ioannes de Komorovvo, vnum è multis sic ad ignem examinatum, sibi verò familiaritate intimum; quòd vbi ad nutum VIRI DEI oblatos carbones pedibus præcox subiecit, quasi rosas aut violam pressisset, subito sensit mutationem Dexteræ Excelsi, truci elemento delicias non suas ingerentis.

## CAPVT XI.

*Sydere vt auget cælum terrena reliquit;  
 (a)lestem terris mittere promptus opem.*

**F**RUSTRÀ velociter currit qui priusquàm ad metas venerit deficit. *Sic currite* (inquit Apostolus) *vt comprehendatis.* Itaq; ingressus semel consumatæ virtutis orbitam Vir Dei, non respexit ali-  
 quandò retrò, neq; declinauit ad dextram aut ad sinistram, sed apprehendens iustitiam, *induit eam tanquam Poderem honoris, & ideo in die agnitionis inuenit firmamentum.* Iam paulò antè inui de peste Poloniam tunc peruadente. Densabantur ubiq; funera, citrà vllum sexus, ætatisuè discrimen. A quibus ipsa contagio procul, metus terrebat vni-

*Transitus  
 ex hoc  
 mundo.  
 1. Cor. 9.*

*Eccl. 27.*



uersos : eò quisq; fælicior, quò latuit plus. Sacerdotes  
 Sacris, Sacra Altaribus destitui, ad cumulum publicæ  
 calamitatis accedebat. Cæterum Vir Dei contumax  
 aduersum spes aut metus, cernens multam messem,  
 operarios autem variè dilapsos, suscepit magno ani-  
 mo intermissam ab alijs, iuuandi properantes ad in-  
 teritum animas, prouinciam. Infert se in mediam fe-  
 ralis illius incendiij flammam, prædicat omnibus op-  
 portunè, importunè, annum Domino placabilem, cla-  
 mat nec cessat cum illo fidei Consiliario. *Si reuerse  
 fueritis ad omnipotentem edificabimini, & lon-  
 ge facietis iniquitatem à tabernaculis vestris,  
 dabit pro terrâ silicem, & pro silice torrentes au-  
 reos.* Euenit autem, quòd finito memorabili egre-  
 giorq; sermone celeberrima Octaua Visitationis  
 B. Maria sua Zelotissæ visitatus & ipse est à  
 Domino, ulcereq; pestilentico torquetur acerr-  
 imo super scapulâ sinistra manus. Cui tanta me-  
 rat feritas ut quod de carne uno die rubrum  
 videbatur, altero denuò superveniente, consum-  
 ptum ab igne ulceris nigrescebat. Cùm tantum in  
 corpus posset, animi immortalitatis gaudium iam de-  
 libantis constantiam, ne quidem attingit, exquisitus  
 adeò dolor. Hunc quasi ad se parum pertineret VIR  
 DEI non tam non sensit quàm contempsit; timidus,  
 ne vel viuendum sibi adhuc esset, aut dolendum mi-  
 nus. Opportunè sub id prorsus tempus peruagatus  
 totâ Vrbe rumor de Seraphico Doctore Vniuersalis  
 Ecclesiæ placito Diuis recens adnumerato, auribus  
 SERVI DEI adlabitur. Pulchram is dedit materiam  
 nouo

Iob. 22.

Nicol de  
Sokol.

Leg. Conv.

novo gaudio nouisq; votis VIRO DEI. In alienæ sanctitatis clogio, suum iam decus intuebatur, & vitæ aliàs prodigus, vitæ inducias à Deo poposcit, quantum vni duntaxat panegyri in laudem noui Sancti per ipsum cogendæ satis esset. Sed Deo ordinante aliter, fatalem horam imminere sibi VIR DEI sentiens, totum se ijs pietatis exercitijs dedit, quæ mentem quantocius coniungerent suo primo principio, vade venerat. Moram faciente Sponso, differente scilicet præmium, quò cumulatus redderet, ille tantò plus arsit desiderio potiundi, quem solum dilexit; nec voluit consolari quia nondum veniebat. Dùm sic in Christum de Cruce pendentem oculis defixis à cælestium contemplatione nihil prorsus remittit, monitus à suo Curatore voluntatis Superiorum, reficeret modico cibo euigoratum corpus, in promptu esse piscem, quem ipsi sollicitè nonnullorum de eius incolumitate pietas transmiserat, annuit, insolens non obsequi. Sed vix ori admonet oblatum piscem, videt illum qui circuit quærens quem deuoret, sub larvâ coquinarij piscem exsquammantis. Olfecit faciliè astum inimici ad turbandam quietem nihil sibi consciæ mentis plurimum intenti. Ergò intrepidus inuehitur in spectrum illud. Vade (inquit) retrò Sathana, nihil in me funestè reperiēs. Si lautius solito epulari tibi videor, Maiorum voluntatem in causâ esse scito, non meam libidinem. Piscis iste non est gulæ irritamentum, sed obsonium obedientiæ. Quidquid Deus non est, mihi pridem sordet; ad hunc solum inquietum est cor meum, nec quiescet, donec perueniat ad eum. Dixit, & veteratorem in indignationem simul, & fugam dedit. Iam contemplantini mecum oculis mentis

*Ioan. de  
Komor.*

VIRVM DEI, (quia languor vrsit) in accubitu asseri-  
 tio, stramine modico instrato, colligentem membra,  
 sed cuius humilitatis nardus cum Regio accubitu sua-  
 uitate certabat. Dulces gemitus, mellea suspiria, quia  
 amoris & desiderii myrothecium illud cœleste absq̃  
 intermissione efflabat. *Veni*, clamabat *dilecte mi*,  
 & assimilare caprea hinnuloq̃, ceruorum, ve-  
 ni & introduce me in paradysum gaudij æterni. In ni-  
 dulo meo moriar, & sicut Phoenix multiplicabo  
 dies meos. Cupio dissolui & esse cum Christo! Sic o-  
 rans cœlo quæ fuit patria sua, quia Virginitatis, pro-  
 ximus fit, sextoq̃ die sui decubitus soluens vitæ  
 debitum mortalis, terminum conclusit exiliatæ  
 carnis: Assumptusq̃ è medio felix iste Domini  
 Seruus super pauca sibi commissa talenta fidelis,  
 pergit super multa iam in auum constituendus,  
 pro suisq̃ laborum conatibus extunc condignè re-  
 premiandus. Anno salutis Millesimo Quadrin-  
 gesimo, Octuagesimo Secundo, sub die quinto  
 decimo Calendarũ Augusti, siue Feriâ quintâ in  
 crastino S. Alexij, horâ quasi decimâ ultra citrà.  
 Videns qui moribundo adstitit Fr. Ioannes Laicus Bo-  
 hemus, quòd sic orans expirasset, nec iam obierit  
 quàm cupidus migraverit ad immortalitatem, post  
 disuauiatum millies Sacrum Corpus, manicam vestis  
 eius dissuit, illiq̃ fragmento cultum SS. Reliquijs pe-  
 culiarem, religiosè impendit. Expertus porrò non in-  
 utilem sibi eam esse pietatem (præueniri quippè ab  
 eo tempore varijs de cœlo benedictionibus meruit)

non

S. Ber. Ser.  
42. in Can.

Cant. 2.

Iob. 29.

ad Phil. 1.  
S. Amb. de  
virg.

Nicol. de  
Sokol.

Ioan. de  
Komor.



non prius de conceptæ semel deuotionis affectu aliquid remisit, donec totum cum vitâ exiit.

## CAPVT XII.

*Ad tumulum Sancti concurritur undiq; certat  
Cum pietate salus, cumq; salute stupor.*

**A**D iusta deindè properatum est, licet magnitudo nominis tantum moram longiorem poscere videbatur. Sed cum desiderium & communis omnium veneratio dimittere adhuc totum terris nollet, temporis calamitas eadem quæ cæcus hominum coire in vnum vetabat, pompam etiam funeris acceperat. Itaq; eodem die quo decessit in Ecclesiâ Sancti Bernardini penes Cracouiam ubi protunc Prædicatoris explebat iniunctum sibi officium corpus ipsius omni veneratione dignum ante maius Altare præfata Ecclesiæ contrâ medium, inter duos alios Fratres merito certè præfulgidos; Fratrem videlicet Thimotheum de Syluano ex vnâ, & Fratrem Bernardinum de Zarnowiec partibus ex alterâ terrâ extitit commendatum. Funus quibus deducere integrum non fuit, ab his ex interuallo certatum votis quæ cælo fuisse grata, exitus postea commendauit. Dies non plùs quatuordecem à suo obitu effluxere intra quos Tres Clericali notâ insigniti, & iam animam ob pestiferam conceptam in visceribus luem acturi, votis ad Diuum nuncupatis, simul cum decumberent, reualuerunt simul,

*Qua mortem consequuta.*

*Nicol. de Sokol.*

*Matth. de Vars. & Matth. Vbiß.*

simul; & Puer bis mortuus, toties reanimatus. Cre-  
uit cum tempore, non numerus tantum sed ma-  
gnitudo quoque prodigiorum, in quibus longo ordine  
recensendis accuratum nomenclatorem agit Pr. Ni-  
colaus de Sokolniki. Ad hunc cupidum talium re-  
mitto; ego promissi memor, ne ultra quam indi-  
cium dem eorum quibus celebrandis pro merito,  
par non sum, festino ad alia. Effundebatur non i-  
psa solum Civitas sed Regnum vniuersum ad vengo-  
randum Tumulum eius, cuius illustriorem portio-  
nem pramiserat in celum peregrinatio nostra, quod  
prodesse ibi tantundem posset, ut vellet. Et cum  
neque loci angustioris ambitus capere tantum concur-  
sum, neque tumultuantis Populi preces inconditas, Fra-  
tres in Choro Domino psallentes ferre possent, de  
transferendo inde Sacro pignore in augustiorem  
templi partem ad Sanctam Sedem referunt. Præerat  
tunc Ecclesiæ INNOCENTIVS VIII. P.M. apud quem  
innocentis vitæ DIVINOSTRI & miraculorum ex fide  
publicâ recensita series, ad eliciendum primum  
Sanctitatis fumum satis fuit. Preces inde Fratrum ad-  
missæ; Translatio decreta; Diploma desuper com-  
positum in hunc qui sequitur modum.

*Dilectis Filiis Vicario & Fratribus Ord. Min.  
de Obser. Provincia Polona pro tempore exi-  
sten: Salutem & Apostolicam benedictio-  
nem.*

*Sacra vestra Religionis sub quâ deuotum &  
sedulum exhibetis Domino famulatum prome-  
retur honestas, ut votis vestris, illis præsertim,  
per*

per qua diuinus cultus augeri, & fidei Christiana religio propagari valeat, fauorabiliter annuamus. Vestris igitur supplicationibus inclinati ut corpus Fratris Vestri P. SIMONIS LIPNICII MIRACVLIS CORVSCANTIS in choro Ecclesia Conuentus Vestri sepultum, propter quod concurrente multitudine Christi fidelium vtriusq; sexus ad dictam Ecclesiam, pro implorandis Diuinis auxiliis intercessionem praedicti Patris sepulcri, de diuersis Partibus confluentium, in Horis Canonicis recitandis non modicum sicut accepimus recipitis detrimentum, & deuotiones vestra minuuntur, de Choro Ecclesia huiusmodi in quo sepultum iacet ad alium locum Ecclesia eiusdem decentius & conuenientius, noctis tempore vel aliàs clandestinè absq; poenarum seu Censurarum Ecclesiasticarum incursum transferre, & in loco decenti & honesto, sicut profertur reponere possitis, tenore praesentium licentiam elargimur. Non obstantibus quibuscunq; aliis Ordinationibus Apostolicis in contrarium facientibus. Datum Romae apud S. Petrum sub Annulo Piscatoris 12. Iulij Anno Domini 1487, Pontificatus nostri Anno Tertio.

HIERONYMVS BALDARINVS.

Celebrabatur Cracouiae Conuentus Prouincialis Fratrum, quando expetitur tantoperè Rescriptum,



Matth.  
Miech.

ptum, ab Vrbe venit. Peruasit verò simul animos omnium incredibilis oblectamenti spiritualis sensus; Supremâ Sedis Sanctæ authoritate, ad vota publica se demittente. Iam plùs ab eo tempore licere sibi rata, multorum hæc timida pietas, omnes in orando SANCTO nimios esse contendebat. Sed obstabant Fratres, vltra Apostolicarum litterarum elogium amplioris venerationis obsequia, Populo nequicquam flagitante, non admittentes. Ergò solis Fratribus monumentum intransitibus, sublatum est inde reuerenter Corpus Sacrum, & iisdem Fratribus succolantibus in augustiorem vbi & nunc visitur loculum transportatum. Eminent suprà lapidea statua, & pro versibus quos vetus Historiographus narrat, substituta recentior inscriptio.

AD OPT: & MAX: Dei laudem & gloriam Mausoleum istud dedicatum est, B. SIMONI de Lipnica. Viro utiq; ante omnia in Ordine Minorum Religiosissimo, Sanctissimoque. Deinde verò augustissimi nominis Iesu præ-

prædicatori feruentissimo,  
 tum vitâ ac præcipuè virgi-  
 nali castimoniâ integerri-  
 mo: Denique innumerabi-  
 lium penè prodigiorum sin-  
 gulari prærogatiuâ longè la-  
 tèque clarissimo. Migra-  
 uit è vitâ Anno Domini  
 M. CCCC. LXXXII.

Cæterum cum ad eius Sepulchrum verè glorio-  
 sum nunquam deessent, qui vota siue pro acceptis be-  
 neficijs exoluerent, siue pro nouis nuncuparent, soli-  
 to tamen maior turba de Ciuitatibus confluebat sem-  
 per, die in orbem redeunte, quâ non ambigitur, dile-  
 ctus Deo & hominibus B. SIMON pompâ triumphali  
 Cælum inuectus. Solenne statim ab eo tempore Fra-  
 tribus, cum thure, floribus, cerâ, Cineri sacro reue-  
 renter affundi, votisq; vota trudere. Dulce vndiq;  
 murmur, & *exaltationes Dei in gutture omnium*, Psal. 149.  
*quod beneplacitum esset Domino in Seruo suo, Et*  
*quia exaltauit mansuetû in salutem.* Retinens in  
 hunc diem pulchri moris tardior Fratrum ætas resu-  
 mit religiose vota & SS. Sacrificia sub honore Triadis

Sanctissimæ, ad quæ ipsis seria Maiorum pietas prætulit facem. Extat præterea binum orationis exemplum Tumulo Sacro appensum, quod æui illius sinceritas ad conciliandum DIVVM, Populo proposuerat. Et quia mihi quoque piè conciliandus est, quod eius amplissimas virtutes intra vnus alteriusve chartæ angustias cogere fuerit fiducia, virumque non ore tantum sed stylo quoque primo, antequam desinam,

*O noua lux Polonia,  
Clarum sydus Cracovia,  
Fervens verna tu MARIE  
Summa Matris clementia,  
Florens rosa munditie  
Felix proles SIMON pie  
FRANCISCI Observantia;  
Fer BEATE præsidium,  
Tandem Cali nobilium  
Fac consortes nos Cuium.*

V. Precare Deum pro nobis Beate SIMON

R. Ne deuincat callidus nos Dæmon.

#### ORATIO.

**D**Aqua sumus omnipotens & misericors Deus  
ut B. SIMONIS Confessoris tui præclara  
nobis merita proficiant, & tuâ gratiâ quam pre-  
camur nos dignos efficiant, in quâ firmati, tuâ  
gloriæ simus adnumerati. Per Christum, &c.

#### ORATIO ALIA.

**F**Oelix Beate SIMON; qui iam transisti hu-  
ius mortalitatis fluctus, & pervenire meruisti



ad portum perpetua quietis, securitatis & pacis;  
 securus & tranquillus semperq; festinus atq; gau-  
 dens es; obsecro te per tuam charitatem, qui secu-  
 rus es de te, sollicitus esto de nostrâ multiplici mi-  
 seriâ. Per ipsum te rogo qui te elegit, qui te talem  
 fecit, de cuius pulchritudine iam satiatus, de cuius  
 immortalitate iam immortalis factus es, & de cu-  
 ius beatissimâ visione semper gaudes, esto iugiter  
 memor nostri, subueni nobis miserrimis, qui adhuc  
 in salo huius vitæ circumstantibus agitamur pro-  
 cellis. Tu porta pulcherrima, quâ in magnam sur-  
 rexisti altitudinem, adiuvâ nos vile pavimentum  
 longè inferius. Da manum ô Minorum decus,  
 & erige iacentes super pedes, ut conualescentes  
 de infirmitate, fortes efficiamur in bello; interce-  
 de & ora constanter atq; indefinenter, pro nobis  
 miseris multumq; negligentibus peccatoribus, ut  
 per tuas orationes tuo sancto consortio coniunga-  
 mur. Sumus namq; valdè fragiles & nullius vir-  
 tutis homunciones, animalia ventris & carnis  
 mancipia, in quibus vix aliquod virtutis vesti-  
 gium apparet. Et tamen sub Christi confessione po-  
 siti ligno Crucis ferimur nauigantes, per hoc ma-  
 re magnum & spaciosum, ubi sunt reptilia quo-  
 rum non est numerus: ubi sunt animalia pusilla  
 cum magnis; ubi est Draco saevissimus, semper  
 paratus ad deuorandum; ubi sunt loca Scyllæ &

*Charibdis, & alia innumerabilia in quibus naufragantur incauti, & infide dubii. Ora Dominum, ora piissime, ora B. SIMON; ut tuis precibus meritisq; adiuti, saluâ naue, & integris mercibus, peruenire mereamur ad portum perpetua salutis, & continua quietis. AMEN.*

## CONCLUSIO.

*Nicol. de  
Sokol.*

*Isaia 65.*

*Greg. IX.  
circa Ca-  
nonizat.  
S. Ant. de  
Padua.*

**H**Abes pie Lector pauca ex multis, de vitâ & meritis gloriosis B. SIMONIS LIPNICII. Fuit olim Historia eiusdem argumenti diffusior. Sed fuit. Nunc præter defrustrati voluminis reliquias occurrit nihil. Quisquis invidit totum, aut seruauit malè, nã ille in Sanctos Manes & nos simul iniurius. Nostra hæc cum leges cogitabis, *quomodo si inueniatur granum in botro & dicatur ne dissipes illud quoniam benedictio est*, ita hîc prorsus euenisse. Plurima olim in vitâ & moribus SERVI DEI, obseruata celebrataq; cum essent, sola tamen hæc euasere temporis calamitatem, ceu in Vincâ grandinatâ botri aliquot dispersi feliciter. Scio non omnibus placere notas & compendia, sed neq; mihi studium placendi omnibus. Vnus mihi pro mille satis, de quo scribo, cui scribo; vltra, ne quidem votum. Cæterum licet non dubitem *ad hoc ut Sanctus habeatur quis apud homines in Ecclesiâ Militante duo esse necessaria, virtutem nimirum & veritatem signorum, merita videlicet & miracula, ut hæc & illa abinuicem sibi contestentur, cum nec merita sine miraculis nec miracula sine*

*sine meritis, plenè sufficiant ad perhibendum in-  
 ter homines sanctitatis testimonium, frustra tamen  
 hic à me miracula expectes. Singulare hæc poscunt  
 Volumen, dùm sine modo & numero noua nouis quo-  
 tidie succedunt. Stellas in Firmamento si potes nume-  
 ra prius, aut in Sole atomos, deindè nostrum verecun-  
 dum damnabis cùm in re consilium. Quanquam tuere  
 qui plurima coniecerunt in sua diaria, & quidem ple-  
 raq; per inquisitionis non perfundioris facem iam ex-  
 plorata. Antequam tamen ab Apostolica Petri velut  
 lydij lapidis exactiori trutinâ vim plenam colligant,  
 præconium eorum publicum differre tantisper placuit.  
 Præsertim vno ex adnotatis supra Scriptoribus, me  
 hac curâ ferè absolvente. Sic autem ille in fronte sui  
 libelli: *Quanquam ut verum fatear signa non fa-* Nicol. de  
*ciunt Sanctum principaliter nisi aliquanquam* & Sokol.  
*consequutiue sanctitatem protestentur, & decla-*  
*rent infuisse, præsertim cùm tot tanta ac talia sint,*  
*quòd in eorum consideratione mens exarvescat*  
*humana virtutem Dei in Sancto eius admira-*  
*ta. Equidem Ioannes Christi Iesu dignissimus*  
*Præcursor ut & multi ceteri signa fecit nullum.*  
*Ergo non est sanctus? absit hoc à veris Christi-*  
*colis. Sensualitati tamen istorum faciendo satis*  
*qui dicunt, signa nostra non vidimus, iam non est*  
*Propheta, id est, verus Frater Minor & Chri-*  
*sti fidelis imitator qui Prophetat, id est, viam re-*  
*ctam & securam in Regnum Cælorum demon-*  
*strat**



*frat exemplis Sanctis & salutaribus doctrinis,*  
*aliqua benignitate Dei omnipotentis meritisq;*  
*Virginis Gloriosa Maria nec non Serui sui S-*  
**MONIS BEATI** *mirabiliter patrata, ac va-*  
*riè pro laudè huiuscemodi Viri, praeclarissimiq;*  
*Primicerij Sacrosanctæ plantula Religionis no-*  
*uella consignabo. Nam benignissimus Dominus*  
*faciens mirabilia magna solus qui hunc in vitâ*  
*virum spectabilem prerogativis meritorum ef-*  
*fecerat insignem, post mortem nihilominus mul-*  
*tò præstantius effecit clariorem. Persequitur dein-*  
*dè singula longo ordine. Hunc consulat qui menti*  
*piè curiosæ ab ipso fonte emblemata vult: incurrent*  
*enim in oculos sensusq; eius. Decem verè mortui*  
*vitz restituti. Fœminæ animam agentes (ex difficill*  
*partus occasione) viginti octo erectæ. Pettilitatis*  
*tempore septuaginta nouem, de morte nidum in ipso-*  
*rum corporibus statuente triumphantes. Viginti*  
*quatuor Hydropem; Viginti sex febrem, qui extin-*  
*xerunt aut profligarunt. Ab exquisito capitis do-*  
*lore & vertigine ad vsum rationis conuersi viginti*  
*septem. Tres muti quibus redintegrata loquella.*  
*Cæci tredecem quibus repulsâ cæcitate relaxit dies.*  
*Octo de graui tribulatione & discrimine prodigiolè*  
*crepti. Energumeni plures (fremente Inferno) e-*  
*mancipati facilius, quàm essent occupati. Sed ista*  
*numeret cui Altissimi gratiam infinitam coërttere cer-*  
*to numero audacia. Fidem imploro omnium non*  
*huius solum Urbis sed Regni Vniuersi Incolarum,*  
*quòd morbis fonticis, vel quorum feritas omnem in-*  
genijs

genijs artem eripit, ex solo PALLII & CHORDÆ  
 DIVI NOSTRI contactu, remedia promiscuè quæran-  
 tur. Nec ulli, modò ritè expiètur, pietas hæc fru-  
 strà esse solet. Plurimùm se debere communi omni-  
 um Patrono fatentur singuli, & beneficij memores,  
 Tabulas varij vt metalli ita & precij, gratiæ conse-  
 quutæ indices, conceptis ex pietate votis certatim  
 suspendunt. Quibus & ego hanc meam appono  
 Pennam, plùs quam erat par, pietate plaulum postha-  
 bente ausam, ductu & auspicijs eiusdem Thau-  
 maturgi nostri, quem rectè quisquis in-  
 uocauit, confusus non  
 est.



G

ILLV.

# ILLVSTRIORA EX RECENSITIS in principio Author. test.

MATTHIAS MIECHOVITA Art. & Med. Doct. Can.  
Cracov. in suo Chron. de Regno Poloniae  
lib. 4. cap 73.

**P**ater SIMON ex Oppido Lipnica natus, Frater Minorum, prädicator gloriosus & feruidus, peste quindecimo Calendas Augusti die Iouis XVIII Iulij, quæ fuit dies Sancti Arnolphi mortuus est; in Choro Ecclesie S. Bernardini in Stradomia per Fratres tumultatus; sed cum miraculis coruscaret, à Fratribus honorificè in corpus Ecclesie ad sinistram partem translatus & conditus est. Cuius Epitaphium unum est hoc.

Lipnicus iacet hic Francisci ex Ordine Simon,  
Diuino Frater feruidus eloquio.  
Cuius perpetuâ fruitur iam Spiritus aurâ;  
Quod probus hic sanctè vixerit atq; pius  
Quod decorare Dei studuit Genitricis honorem,  
Doctrinam factis atq; probare bonis.  
Nunc miranda vides testantur signa Beatum  
Qui miseris meruit ferre salutis opem.  
Hunc igitur studeas tibi conciliare Patronum  
Vt voti compos efficiare tui.

MARTINVS CROMERVS EPISCOPVS VARMI-  
ensis in Chronicis suis de Origine & gestis  
Poloniae lib. 29.

**I**n signis fuit SIMON Lipniciensis Ecclesiastes  
disertus



disertus Bernardiniani sodalitiij ad meridianam portam Cracovia degentis: homo plebeius quidem, & obscuro loco natus, sed probitate & sanctimoniâ vitæ clarus, ita ut agroti complures ad sepulchrum eius, pristina sanitati restituti esse memorentur. Quod quidem de Casimiro quoq; Casimiri Regis filio non modò constanti famâ, sed etiam certis grauib; testimoniis affirmatur, qui **SIMONEM** hunc intrâ vertentem annum consequutus est, apud Vilnam tabe consumptus, & in Basilica eius Urbis à Patre solenni pompâ sepultus, clarus & ipse Sanctitatis opinione.

Martinus Bielski (diversæ aliâs Religionis) in Chron: suorum lib. 4. fol. 474.

**S**Equenti anno mortuus est **SIMON** Lipnicens Ord. Bernardinorum, homo bonæ vitæ & idè etiam pro Sancto habetur, & miracula ad sepulchrum eius patrantur.

Franciscus Gonzaga totius Ord. S. Francisci Minister Gen. in suo Chron. lib. de Prov. Pol. pat. 2. f. 464.

**P**ATER **SIMON** à Lipnica pudicissimus, humillimus, abstinentissimus, atq; dulcissimi nominis **IESU** admirabilis cultor & predicator, cuius gratiâ uti B. Pater Bernardinus de Senis cavillationes & imposturas perpeti meruit. Hic venerabilis Pater Hierosolymam peregrinationis causâ petiturus, Franciscanam Regulam cuius Ze-

lantissimus fuit memoriter didicit, ut si forte manu scriptam quam secum semper habebat, sapiusq; lectitabat, sibi à Saracenis eripi contingeret, altera in memoriâ sculpta superesset ad quam tanquam ad Lydium lapidem suas actiones exploraret. Mortuus tandem miraculis coruscare cepit. Nam iuuenem sibi ex voto oblatum è mortis amara faucibus erutum sanitati restituit, & puellam à nolente Patre casu occisam, atq; eius sepulchro expositam ad vitam reuocauit. Plura alia beneficia quæ omnia libello manuscripto commendata sunt, Cracouiensibus præstitit, cuius sepulchrum ante summum huius Sacraedis Altare situm, commendatissimum fuit.

Abrahamus Bzouius Ord. Prædic. Annalium  
Ecclesiasticorum Tom. 15.

**A** Nnus 1482. Hoc ipso Cracouia in Poloniâ peste absumptus est B. SIMON Lipnicensis, Ecclesiastes disertus, Minoritarum Observantium Sodalitij, homo probitate & sanctimoniâ vitæ clarus, ita ut multi agroti ad sepulchrum eius sanati sint. Huius sepultura votiuis tabellis ornata extant cum tali Epiraphio. Lipnicinus iacet hic Fran. &c.

Topographia seu descriptio singul. Fr. Prouin.  
Polon. Monasteriorum.

*C*um Beatus SIMON de Lipnica Predicator-  
rem Craconia ageret, ita omnibus etiam do-  
ctissimis quibusq; admirationi & stupori erat,  
ut eximia fama illius laus per ora omnium ho-  
minum longè lateq; protenderetur. Mira enim  
sanèq; diuinâ Viri eloquentiâ multi ita allekti,  
ut distributis mox in pauperes quas possidebant  
substantijs, acceptâ Dominica Cruce, Vitam  
Euangelicam egerint; pleriq; facti sunt Reli-  
giosi diuersorum Ordinum, pleriq; etiam statum  
pœnitentiæ elegerunt, diuinitûs potiùs infusam,  
quàm humano partam ingenio eius sapientiam  
admirantes, cùm innumeras etiam faucibus tar-  
tareis eruendo animas cœlo redderet, Verbi Dei  
pabulo frequentissimè familiam Christi Craco-  
nianam reficiendo. Post cuius immediatè mor-  
tem, cùm in auribus hominum patrata meritis  
eius miracula insonuissent, repentè Sanctitas i-  
psius quæ viuente illo nulli obscura sed omnibus  
& singulis clarissima semper erat, clariùs se pro-  
dere capit. &c.

Diuo



# Diuo SIMONI Lipnicio Sacrum.

**S**Ydus Arctoo rutilans in Orbe  
Lechiæ gentis decus, Ordinifq;  
Quâ patet Sancti columen Minorum, &  
Gloria fragrans.

DIVE te SIMON veneror, precorq;  
Vt tui incunda fauoris aura  
Mî Canenti aspiret, & inscienti  
Verba ministret.

Tu procelloſi fera monſtra mundi,  
Fulminantes atq; acies Auerni  
Cautus cuitans, modò teſta Diuûm  
Magna pererras.

Non ſatu humano, propè cælo ab ipſo  
Editum credo; tibi cùm tenello  
Cœlitum concordibus adſuère  
Numina votis.

Primo ab exortu, velut alter ille  
Natus Alcmênâ, geminos chelydros  
Carnis & mundi illecebras, potenti  
Comprimis auſu.

Ordini mox Seraphico, daturus  
Inclytum vitæ ſpecimen, venuſtè  
Ceu virens planta infereris Deorum  
Læta propago.

Quid loquar? Sanctæ probitatis illa  
Tâm citò augmenta appropriata, curſu  
Atq; inoffenſo ſuperata vitæ  
Magna pericla?

Inter

Inter astrorum faculas minores  
Qualis exsurgit Phaëton, renidens  
Aureo vultu, populifq; lucem

Vibrat amœnam:

Eminet qualis cyparissus, alto  
Arduus Pindo, caput atq; cellas  
Pôrgit ad nubes, humilesq; myrtos

Anteit omnes.

Qualis aut florum rosa Principissa  
Latè odoratis reuifciscit hortis,  
Purpurâ & Pæsti veluti superbo

Murice candet.

Inter humanos homo Sancte cœtus  
Talis egisti: auricomus velut Sol,  
Moribus splendens, & odore grato

Cinnama vincens.

Necdùm eras hoc corporis exsolutus  
Carcere, & necdùm statione fidâ  
Quam timor nullus quateret, neq; Orci

Vis inimica:

Angelo par æthereo fuisti,  
Labis & noxæ inscius, atq; totus  
Fons vt illimis, nihil inquinatum

Corde volutans.

Ad tua extemplò veneranda iussa  
Corpore humano, rabidi dolores  
Exeunt, tanquam ipse Machaôn omnes

Arte fugaret.

Nunc tuos functi Cineres rebellis  
Orcus horrescit, stygijsq; ad imum  
Vt iubes parent, abeunt, Cerastræ

Corpora linquunt.

Nulla vis quenquam, mala nulla vexant

An-

Auxius postquam prece supplicanti  
Rebus afflictis, releuamen à te

SANCTE reponit.

Mox salutarem sibi præstò adesse  
Dexteram sentit, stupet & fauorem  
Tàm cito aspirasse tuum, libensq;

Votare reponit.

Ob tuas SANCTISSIME VIR medellas  
Indigis semper quibus adfuiti,  
Et graui afflictos releuas vocatus

Fasce malorum.

Dignus ornari omnibus in triumphis,  
Laudibus dignus celebrari, & ore  
Omnium dici LECHIE PATRONVS,

Præsidiumq;

Poscimus nostri tibi cura nunquam  
DIVE discedat, ferus ex viroq;  
Mundus atq; Orcus latere nitat, virget,

Nocte dieq;

DIVE tu nobis solito benignus  
Rebus extremis vt adesse, opemq;  
Vindicem præstare velis precamur

Supplice Voto.

Thure te Sacro venerabimur mox  
Supplices fusi ad Cinerem beatum,  
Sæculo narrabimus, zuternæ &

Posteritati:

Quòd tuâ dextrâ propè funerati  
Casibus vitæ varijs, reducti  
Rurûs ad sortem meliorem & aucti

Sospite Vitâ.


M. Iacobus Vitellius Regius & Tylicianus in Acad.

Crac. Professor, Canon, S. Anna,

F I N I S.











Biblioteka Jagiellońska



stdr0008014



